

廣博嚴淨不退轉法輪經

才
四

百四十一
賴八

廣博嚴淨不退轉輪經卷第四

賴

劉宋涼州沙門智嚴共寶雲譯

尔時會中百千衆生心皆擾動不安本座作是念無有二佛並出世間今此善男子以何等故發如是言作是念已展轉相語且共默然世尊在座自當解說此諸菩薩如是語義尔時阿難白佛言世尊此諸菩薩名字何等乃能作是大師子吼佛告阿難其一菩薩名樂求如來音聲第二菩薩名樂求世尊音聲第三菩薩名樂求佛音聲阿難當知以是緣故彼菩薩摩訶薩作如是說阿難白佛言世尊今此會中有百千衆生心皆擾動作是念無

有二佛並出世間以何緣故彼作是說唯願
如來敷演其義令此大衆心不擾動所種善
根增益明淨世尊如人澡浴嚴治髮爪膚色
充潔復以赤旃檀木更浴其身膚色鮮淨倍勝
於前世尊是諸衆生亦復如是若聞說是語
義所種善根增益明淨倍勝於前今時世尊
即說偈言

皆共一心聽

我說是語義

何故名如來

世尊及佛耶

能知過去如

亦知未來如

見一切法如

是故名如來

如古答諸佛

行不思議施

我亦行此施

是故作是說

如古答諸佛

求無依倚道

我亦如是求

是故名如來

不住一切法

求寂靜菩提

亦不得菩提

是故名如來

如答諸菩薩

勤苦行忍辱

我亦行是忍

能到忍彼岸

如我答精進

勤求於菩提

彼亦勤精進

是故名如來

彼已能通達

諸法平等相

亦不生心念

是故名如來

不念一切法

其性常平等

知此平等已

而無差別心

已能通達此

如如平等定

通達此定義

是故名如來

所說一切法

各自有性相

已知此性相

畢竟常寂然

知相名為慧

知空名為智

若能知眾生

名利慧彼岸

如古昔智者

智慧到彼岸

亦不得此慧

觀

到彼岸寂然 彼亦得此慧 而到於彼岸

不得此慧故 是故名如來 不得菩提如

其性相難議 不得一切法 是故名如來

已能逮無著 不著如如來 不著一切法

通無著道故 如先尊世師 能知見正道

此道真實相 未曾有始終 彼亦如是修

最勝無上道 此道無始終 性空無所有

知道無始終 諸法皆平等 亦知如平等

是故名如來 道如菩提如 及其不住如

知如如虛空 是故名如來 我所說諸法

其如常平等 若能見此如 應當求菩提

阿難以是事 彼作如是說 如說能修行

彼亦如是行

若能行是行

能作如是說

知是不退轉

無畏諸菩薩

阿難應當知

無畏諸菩薩

能作如是說

自言是如來

阿難白佛言世尊以何因緣得何等法名世

尊耶今時世尊便說偈言

皆共一心聽

於百千億劫

求如是菩提

無量難思議

為諸眾生故

求如是菩提

未曾有怖畏

是名改世身

不畏於生死

正住生死中

化度諸眾生

是改名世身

云何不怖畏

云何住生死

云何度眾生

云何名世身

生死無有法

而可破壞者

不穿不破壞

以此度眾生

是名不怖畏

是名住生死

是名度眾生

是名為世尊

知諸法虛妄

而無怯弱心

宣說諸法相

而無所怖畏

已斷諸怖畏

遠離諸難處

不畏難處故

度難處眾生

度多億眾生

過生死險難

亦不得生死

及所度眾生

安置諸眾生

寂靜涅槃岸

亦不得眾生

是名為世尊

恒為諸眾生

說如虛空法

未曾生怖畏

是名為世尊

法性無差別

說有種種名

平等如菩提

菩提不可得

教導諸眾生

令趣向菩提

雖教如是法

未曾有所說

不可說而說

度脫多眾生

無畏無所取

是故名世尊

遠離一切想

能修菩提想

已過一切想

是名為世尊

已能滅諸想

煩惱無有餘

以是故得稱

名之為世尊

以慧觀諸法

知諸法平等

尚不求少法

是故名世尊

不重於名譽

亦不求名譽

恒為諸眾生

說離名譽法

菩提離名譽

彼亦如是求

若有重名譽

是不近菩提

是聲猶如響

分別故多種

橫生諸分別

我有如是名

不著一切聲

亦不依倚名

無戲論菩提

是名為世尊

以如是諸法

名之為世尊

亦不得菩提

是故名世尊

知如是諸法

而無有所著

求如是菩提

解脫無有漏

阿難以是事

及諸餘因緣 菩薩摩訶薩 自言是世尊

阿難白佛言世尊以何因緣得何等法名為

佛耶尔時世尊便說偈言

覺知一切法 此法無所有 已覺無有法

是故名為佛 覺了諸煩惱 不令得自在

以智離煩惱 是故名為佛 能覺此身空

此身無所屬 此身不堅固 牢固不可得

愚於不牢身 而生堅牢想 彼如是覺知

是故名為佛 覺無聞無知 自性無所有

已得於聞智 是故名為佛 所有過去想

覺知是無想 知想無想故 更不隨此想

修未來諸想 現在想亦然 已修一切想

是故名為佛

覺知色前際

未曾有生趣

凡小雖分別

不能令色生

覺受無根本

根本不可得

於一切法中

亦無有受者

知想猶如幻

其性無所有

於一切法中

不為想所累

知行不能作

種種諸身相

身空行亦空

是故無所作

知行及與身

猶如芭蕉樹

如實能覺知

是故名為佛

觀識之實性

亦不在身內

亦不在身外

而可有是識

於一切法中

識性不可得

而於此身中

無形無處所

能如是識知

識性無所有

無相猶如幻

未曾見識生

於一切法中

無有見識者

一切眾生性

未曾有作者

眾生無作者

諸法畢竟然

若法若眾生

無有來去相

覺一切諸法

畢竟無有相

無分別戲論

是故名為佛

如諸佛不任

佛正法大乘

不任一切法

是故名為佛

如如諸法如

諸佛不任如

佛如菩提如

畢竟不可得

為求菩提故

應發如是心

能覺此心相

少法不可得

為求菩提故

應發如是心

此心菩提等

亦覺知如幻

阿難以是事

彼作如是說

自言我是佛

如佛導世師

以佛之名聲

說如是等法

若有任此法

盡應求菩提

若有知此法

則是近菩提

於一切法中

不生諸疑惑

於諸法無疑

畢爲世間上

已知此法故

能解密語義

尔時世尊說如來世尊佛名已。是時會中百千衆生白佛言。世尊我等無復疑網。逮大照明得解菩薩摩訶薩名爲如來世尊佛義。以一切法不可得故。於諸法中逮得法忍。如來今者猶如父母矜接我等。不令我等心有擾動。亦得覺知不擾動法。猶如虛空不可擾動。所以者何。我等今者覺一切法猶如虛空。無擾動故。尔時會中百千衆生頭面禮佛。右遶三帀去。佛不遠默然而坐。尔時會中有菩薩摩訶薩名常笑。諸根清淨。

即從座起以種種華而散佛上即說偈言

衆生多果想 能解彼果想 離果得具足

故禮世間智 衆生貪著果 行種種果名

唯佛能除斷 故禮世間智 宜說果平等

而以覺悟他 說果是假名 故禮世間智

宜說平等法 任平等法中 覺一切法等

故禮世間智 衆生得果想 除此有得心

唯佛能除斷 故禮世間智 具智果寂滅

不住種種果 諸佛善密語 故禮世間智

尔時常笑諸根清淨菩薩摩訶薩說是偈已

讚歎世尊頭面禮足右遶三匝去佛不遠一

心觀佛目不暫瞬歡喜而住尔時會中有善

薩摩訶薩名蓮華德藏即從座起以華散佛
說此偈言

衆生多有想 能解此有心 離怖無所取

故禮牟尼尊 於諸有寂靜 說無所有法

遠離一切有 故禮牟尼尊 知有是空無

其性無有我 以遠離有畏 故禮牟尼尊

遠離諸憂感 能拔憂感者 永斷諸繫縛

故禮牟尼尊

爾時蓮華藏菩薩摩訶薩說此偈已讚歎世

尊復更說偈而白佛言

於後惡世中 若有聞此經 不生怖畏者

皆應合掌禮

尔時無垢意菩薩摩訶薩即於佛前而說偈言
若有聞此經 不生疑惑者 於一切時中
應以眾華散

尔時廣思惟菩薩摩訶薩即於佛前而說偈言
此經中廣說 無量諸佛法 眾生聞是法
不疑惑者多 貪著於己身 生種種身想

得聞如是經 云是顛倒說 當知屬於魔
為魔所憶持 無智聞此言 返更生疑惑

尔時青蓮華目菩薩摩訶薩即於佛前而說
偈言

若有聞此經 不生疑惑者 猶如世間眼
亦名施眼者

尔時樂供養塔菩薩摩訶薩即於佛前而說
偈言

若有聞此經
猶如最上塔

深生信樂者

此人處世間

尔時渴仰意菩薩摩訶薩即於佛前而說偈言
雖在生死中
應數生渴仰
不著一切法

能不疑此經

尔時樂以衣施菩薩摩訶薩即於佛前而說
偈言

應以多億衣

細軟而平整

以供覆其身

不疑此法者

尔時樂以食施菩薩摩訶薩即於佛前而說

偈言

所說諸餽饍

味中最上者

應以供其人

不疑此法者

尔時悲念樂見衆生菩薩摩訶薩即於佛前

而說偈言

悲念諸衆生

應數數涕泣

而於此經中

無有信樂意

若人少時間

疑惑於此經

當知地獄來

還趣向地獄

親近惡知識

不解是深法

無明網所覆

不向此妙趣

破戒自纏裹

惡意好求短

貪著於利養

能誹謗是經

不勤求菩提

懈怠不精進

惡慧樂小法

不信解是經

貪利養衆生

計我隨愛欲

深著於三世

不能信是經

愚很惡心性

深愛盲無智

好樂多談說

而不信此經

好選擇衣服

貪味嗜飲食

少於白法者

能誹謗是經

著果諸眾生

好說著果法

解佛微密語

如是者甚難

過去先昔佛

無上導世師

盡能供養者

能信解是經

今時遠離惡法菩薩摩訶薩
昂於佛前而說

偈言

愚心貪著果

能誹謗是經

應遠離是人

猶如臭熏穢

亦如爛死屍

行者皆遠避

謗此經眾生

皆應常遠離

猶如劫村賊

住大曠野中 聞者皆馳走 恐為我作難
應如是馳走 遠離是惡賊 瞋恚懷惡意
誹謗是經者

今時阿難白佛言世尊是為希有是諸菩薩
摩訶薩決定善說菩提之法世尊為是自三
昧力為是佛威神力為是此經 三昧力能作是

說耶佛告阿難是諸善男子曾於六十億那
由他諸佛所聞說是經無有增減如我今
者說微密語等無有異彼不以三昧力故
能作是說所以者何彼於此經現見通達故
今時阿難白佛言世尊若有聞此經能信能
解不生疑惑者世尊是善男子善女人得幾

所福佛告阿難若善男子善女人欲求阿耨
多羅三藐三菩提以滿閻浮提七寶施諸如
來若有善男子善女人得聞是經信解不疑
阿難當知其所得福甚多甚多阿難置閻浮
提假使以恒河沙世界滿中七寶施諸如來
若有得聞此經信解不疑其福勝彼尔時世
尊欲重宣此義而說偈言

若以閻浮提 滿中七寶施

奉諸佛如來

慈悲導世者 亦以恒河沙

數等諸世界

滿中諸珍寶 以奉上諸佛

若有聞此經

能信能解者 亦不生疑惑

其福勝於彼

尔時阿難白佛言世尊若有善男子善女人

通利是善男子善女人得幾所福

聞是經能信能解已能信解復能受持讀誦

佛告阿難若善男子善女人求阿耨多羅三

藐三菩提遠離是經於百劫中行檀波羅蜜

奉施諸佛如是於百劫中護戒忍辱精進禪

定起五神通修行智慧以遠離此經故不如

善男子善女人得聞是經信解不疑受持讀

誦悉令通利其福勝彼今時世尊欲重宣此義而說偈言

若滿百劫中以種種餽饌以供導世師

未名供養佛若能持此經是名供養佛

諸佛教法故是無上供養若滿百劫中

以種種衣服救世大精進未名供養佛

若能持此經

是最勝供養

是名供養佛

勝前以衣施

若滿百劫中

以種種華散

救世大精進

未名供養佛

欲以最勝供

供養諸佛者

應當持是經

不染著諸果

此供是大供

諸供中最上

若能持此經

而不計於我

若滿百劫中

堅固守淨戒

若不持此經

彼皆無名稱

若能持此經

此皆有名稱

於諸戒中上

勝先行施戒

雖有純淨戒

無量難思議

應當常勤求

受持如是經

如此經中說

善修戒行者

不名為惡戒

亦不名破戒

若持此經戒

名持菩提戒

持菩提定戒

具足無作戒

如是等諸戒

皆於此經說

若能持此經

具足一切戒

若人滿百劫

能行大忍辱

衆生惡口罵

其心皆能忍

若截其手足

其心不擾動

未曾起惡心

瞋恨於他人

行如是忍辱

如忍辱仙人

雖經百劫中

其忍不爲上

若有聞此經

信解能堪忍

是忍名爲上

是忍名賢善

是忍名最勝

是忍無有上

若能持此經

而無所染著

欲求無染著

諸佛無上智

不應生染著

速受持此經

若滿百劫中

常立不坐卧

除却諸睡眠

勤行大精進

智者勤精進

流布如是經

是人到無畏

勝彼大精進

若滿百劫中

能起五神通

不得聞此經

其智不為上

若能持是經

通達無依義

於諸神通中

是神通最上

若滿百劫中

修行是智慧

此慧是世間

分別世間法

若不學此經

不名為明慧

若能學是經

是名堅固慧

若有聞此經

信樂無有上

是人名為慧

亦名通達者

欲以如是慧

能知諸法如

應宣說是經

當得如是慧

慧者所行法

皆是經中說

應當勤精進

受持於此經

今時阿難即於佛前而說偈言

應往一由旬 乃至百由旬

聽受如是經

能捨離諸果

設有大火坑

縱廣一由旬

智者從中往

聽受如是經

欲得諸聖戒

於諸戒中上

應流布是經

能淨於戒身

欲得諸聖禪

於諸禪中上

應流布是經

燒一切煩惱

欲得諸聖慧

於諸慧中上

應流布是經

能淨諸法界

欲往詣諸方

嚴淨諸世界

世界名喜樂

應流布是經

欲見阿閼佛

諸牟尼中尊

應當持是經

廣為衆生說

若欲淨菩薩

種種之所行

應流布是經

得往安樂界

應見阿彌陀

光明不可議

應流布是經

諸佛之所說

尔時世尊告阿難言善哉善哉如汝所言所

以者何若善男子善女人以不散亂心讀誦
此經爲他解說欲見諸佛即皆得見若以散
亂心讀誦此經爲他解說其人命終之時眼
見百千諸佛所以者何一切諸佛皆守護此
善男子善女人故尔時會中有一童女名曰
師子與五百童女俱即從座起偏袒右肩右
膝著地一心合掌白佛言若有女人受持此
經讀誦通利有何功德尔時世尊告師子言
若有女人欲求阿耨多羅三藐三菩提受持
是經讀誦通利當知是身最是後邊所以者
何若有女人以不散亂心受持是經讀誦通
利所有煩惱受女人身者不現在前師子白

佛言世尊何等煩惱能受女身佛告師子凡
諸女人見他女人形容端正以金銀珍寶種
種珠璣嚴飾其身受眾快樂見已生愛著心
不能如實觀察此身但是糞聚臭穢不淨假
以綵色眾香塗熏惑愚者眼便生染著起諸
煩惱故受女身復次師子女人之性多諸慳
嫉言說時異心思時異現前語異屏處語異
為氣味故有諸女人不為正法瞋恨所蔽睡
眠所蓋樂喜談說以是緣故不能受持此經
又於晝夜多染汙心少出要心成就如是諸
煩惱故恒受女身不能令止是故師子若有
女人欲不起煩惱不受女身者應當受持讀

誦此經爲他解說所以者何此經能除女人
諸煩惱故師子復白佛言世尊若有女人不
爲離女身受持此經讀誦通利者當受女身
不佛告師子若有女人雖不爲離女身受持
是經讀誦通利當知此身最是後邊除其神
足現女身者師子譬如有入投大火聚而作
是言莫燒我身壞我膚色於意去何是人所
語得稱意不師子白佛言不也世尊所以者
何火性能燒壞人形色佛告師子此經亦亦
燒諸煩惱令無有遺是故師子若有女人欲
不受女人身欲速得一切佛法欲得見無量
無邊諸佛欲得無礙辯才欲以慈心遍緣一

切衆生者應當受持此經讀誦通利爲他解
說。尔時師子及五百童女白佛言。世尊我等
於然燈佛所受持是經。如是展轉至于今日。
尔時阿難白佛言。世尊。是師子童女未盡女
身分耶。佛告阿難。於意去。何汝謂師子是女
人耶。阿難白佛言。如是。世尊。佛告阿難。莫作
是言。所以者何。是師子及五百童女以神通
力現爲女身。憐愍饒益未來世中諸女人。故
所以者何。一切男子不得隨意入諸家中。是
故阿難。師子童女以神通力現受女身。而此
女人無女人法。無男子法。無非男非女法。所
以者何。女人法。男子法。非男非女法。不可得。

故阿難是師子於此法中不得一切法成就
法忍逮大照明是故阿難一切女人應當隨
學如師子童女受持是經讀誦通利爲他解
說尠時會中有五千比丘尼即從座起偏袒
右肩右膝著地一心合掌白佛言世尊我從
今日受持是經讀誦通利爲他解說所以者
何我不願樂更受女身受持是經若不究竟
讀誦通利終不坐卧亦不睡眠佛告諸比丘
尼善哉善哉作如是言發大莊嚴而自莊嚴
建大精進所以者何汝等不樂女身樂求佛
法是故汝等倍加精進堅心受持讀誦是經
悉令通利爲他解說當知汝等所受女身最

是後邊尔時諸比丘尼聞佛所說歡喜踊躍
各各脫身所著鬱鬱之羅僧以散佛上而說偈言
佛無有二語 必成男子身
記我等作佛
我志願滿足

尔時會中有五千居士婦從諸比丘尼聞是
偈已即從座起偏袒右肩右膝著地一心合
掌白佛言世尊我從今者受持此經讀誦通
利爲他解說所以者何我等今日欲得遠離
不自在身視人顏色猶如婢妾女人之身雖
生王家長養令大娉與他王不得自在盡其
形壽奉事其夫懷妊十月受種種苦以是事
故我等從今勤加精進受持是經爲他解說

受一食法奉持齋戒脇不觸地乃至奪命誓
不與夫共携手親近要當受持讀誦是經尔
時世尊告諸居士婦言善哉善哉諸善女快
說此言汝等從今更不屬他常得自在不視
他顏色無懷妊苦不更處胎生無姪欲無女
人處諸佛世界尔時阿難白佛言世尊此諸
姊等所生之處世界何名佛号何等佛告阿
難世界名衆寶華光佛号放衆寶摩尼王光
如來等正覺今現在說法此諸女人當生彼
國諸居士婦受持是經故得見彼佛尔時諸
居士婦聞說是已皆生歡喜踊躍無量即解頸
十千真珠瓔珞持用止佛即於佛前而說偈言

我等得善利

得遠離女身

佛無有二語

所說皆真正

求棄如是身

卑陋女人相

但誑無智人

不能如實知

更不如婢妾

屬他不自在

亦不復十月

懷妊受眾苦

終不復更受

處胎諸惡法

已得離胎智

此智無有上

尔時諸居士婦說此偈已頭面禮佛右遶三
而去佛不遠皆共就座一心觀佛目不暫瞬
尔時釋提桓因以天拘數摩華而散佛上作
如是言世尊我當受持是經讀誦通利為他
解說佛告釋提桓因憍尸迦汝若如是終更
不與阿脩羅戰

尔時文殊師利法王子欲令百千衆生所有
善根轉明淨故白佛言世尊如來答者從我
聞說是經發菩提心佛告文殊師利以是事
故汝於百千萬那由他菩薩衆中最爲照明
於十方世界開悟衆生如日光明即時大地
震動天雨衆華遶佛世尊積至于膝尔時阿

難白佛言世尊以何因緣大地震動散衆天
華積至于膝佛告阿難今百千萬億那由他
諸天從文殊師利聞說此言歡喜踊躍散衆
天華皆發是言我等當受持讀誦是經爲他
解說如文殊師利法王子快說是言我等亦
當隨學如文殊師利照明世間我等亦當如

是照朗說此語時皆得憶念是經如現在前
是故心生歡喜踊躍無量復聞我從文殊師
利得聞此經阿難是故地大震動天雨衆華
亦時阿難白佛言世尊此經成就諸大功德
此經成就未曾有功德非是成就少善根衆
生得聞此經佛告阿難如是如是如汝所言
若善男子善女人供養無量百千諸佛乃聞
是經聞已信解受持讀誦為他解說阿難此
善男子在天人中當知如塔若有受持讀誦
是經者其所任方面便有闢正法人復次
阿難若有受持是經讀誦通利為他解說乃
至書寫經卷而供養者當知是人離諸惡趣

已能降伏惡魔波旬建立法幢能行法施然大法炬破無明闇吹大法螺趣向道場擊大法鼓開甘露門降大法雨充足一切樂求法者開諸法藏諸佛所聚出大法財知一切法遠離諸想所謂色受想行識想眼耳鼻舌身意想色聲香味觸法想遠離一切諸法想乃至佛法僧想阿難若有從我聞此經者受持讀誦當知是人便是我子從佛口生從法身生是故阿難若有衆生欲貪如來食欲坐道場欲說正法如我今者應受持是經讀誦通利爲他解說乃至書寫經卷而供養之

尔時阿難白佛言世尊未來世中受持是經

讀誦通利爲他解說乃至書寫經卷而供養者皆是今日受持讀誦是經者耶佛告阿難如是如是所以者何我未曾見諸餘世間天人魔梵沙門婆羅門人及非人於未來世能說是經令他聞者無有是處阿難能於今日積聚法財於未來世隨意受用譬如居士若居士子其家大富多饒財寶金銀琉璃真珠摩尼珂貝璧王倉庫盈溢奴婢僮僕象馬牛羊如是衆多往至餘方遊戲觀看其人後時還至財所得受用不阿難白佛言世尊自在受用是其財故如是阿難若於我前得聞是經於未來世亦復得聞受持讀誦如是經典而

設供養猶如今日阿難我以佛眼見有信解
受持是經讀誦通利爲他解說乃至書寫經
卷如今阿難而供養者亦見誹謗不信受者
亦時阿難白佛言世尊若有衆生不信解是
經而誹謗者其人罪報當坐何處佛告阿難
且止不須問也阿難白佛言世尊唯願說之
爲不信此法衆生生信樂故佛告阿難其人
果報生處與五無間業等阿難於意云何假
使有人於一日中悉斷三千大千世界衆生
命根其人生處罪報云何阿難白佛言甚惡
世尊佛告阿難其人罪報亦與彼等阿難於
意云何假使有人若壞若燒恒河沙諸佛般

涅槃後所起塔廟得罪多不阿難白佛言甚
多世尊眼不應視耳不應聞佛告阿難其人
生處罪報云何阿難白佛言世尊甚惡甚重
佛告阿難其人罪報亦與彼等阿難於意云
何假使有人壞亂過去未來現在諸佛正法
其罪云何阿難白佛言甚惡世尊佛告阿難
其人罪報亦與彼等阿難白佛言世尊若有
毀訾誹謗令衆生遠離是經其罪云何佛告
阿難於意云何三千大千世界衆生皆行十
善求阿耨多羅三藐三菩提假使有人毀壞
其眼其罪多不阿難白佛言甚多世尊當於
百千万億那由他劫在地獄中受諸苦惱佛

告阿難我今語汝若有衆生毀謗此經乃至
一人令遠離者當知此罪亦與彼等阿難白
佛言世尊若有菩薩欲求阿耨多羅三藐三
菩提於此經中雖有疑心而不誹謗其罪云
何佛告阿難若生疑心則逆諸佛而有罪過
經一億劫遠離菩提阿難白佛言世尊若有
衆生誹謗是經令多衆生而遠離者所受罪
身大小云何佛告阿難且止不須問此罪身
大小阿難白佛言世尊唯願說之令此四衆
來世衆生慚愧怖畏佛告阿難其人罪身長
一万由旬受無量苦阿難白佛言其人不能
護口所受舌報大小云何佛告阿難其罪人

舌縱廣一千由旬有五百鐵犁光炎熾然以
耕其舌復有五百鐵丸光炎熾然滿其舌上
以其前身不護口故尔時四衆皆生怖懼身
毛皆豎涕泣流淚舉身投地皆共同聲作如
是言世尊我等今者爲彼族姓子族姓女發
露懺悔願令速離如是罪身不受衆苦會中
復有涕泣流淚作如是言世尊我等若於此
生若前百千万億那由他生曾起疑心作是
衆苦因緣者我等今於如來等正覺前及餘
百千万億不可限量諸佛世尊前發露懺悔
諸佛如來願以佛眼見知我等我等今者所
有罪業皆悉發露不敢覆藏我等愚小無知

無覺無有方便唯願諸佛以憐愍故受我等
悔佛告諸善男子善哉善哉汝等今於我前
不覆藏罪發露懺悔於我法中更爲增益阿
難白佛言世尊今此會中生疑心者皆受如
是地獄苦耶佛告阿難今此會中生疑心者
以悔過故其罪甚少阿難白佛言彼人受罪
爲多少耶佛告阿難其人命欲終時身上
一諸毛孔中受無量苦亦不經久所以者何
以於我前及餘無量無邊諸佛世尊悔過罪
咎阿難是故諸族姓子族姓女不欲受如是
罪身如是罪舌如是衆苦者應當信解是經
莫生疑惑阿難若有善男子善女人不欲捨

佛捨法捨比丘僧不欲捨過去未來現在諸
佛正法者應受持是經讀誦通利爲他解說
書寫經卷而供養之阿難白佛言世尊如來
今者說不退轉輪經以何緣故作如是說若
不捨僧不捨何僧佛告阿難僧者所謂不退
轉者說名爲僧爲不退轉法來集會者亦名
爲僧阿難白佛言退轉菩薩不在僧數中耶
佛告阿難若有深發菩提心不見此心者皆
入不退轉僧中阿難白佛言希有世尊諸佛
成就大方便力以方便故說如是法
尔時釋提桓因以天曼陀羅華而散佛上白
佛言世尊願令一切衆生皆成就如是方便

佛告釋提桓因憍尸迦若有信解此經者皆當成就如是方便演說諸法如我今者等無有異尔時有百千諸天以天曼陀羅華而散佛上作是言願令一切衆生逮得是經尔時阿難白佛言世尊唯願如來憐愍未來衆生守護是經佛告阿難若善男子善女人在大海中應聞是經是善男子善女人皆悉得聞所以者何先佛如來已守護故阿難白佛言世尊先佛如來雖守護是經如來今者憐愍衆生當守護是經尔時大地六種震動即於佛前有閻浮提金色天華自然而現其華有百千萬億葉出大光明遍照十方恒河沙諸佛

世界是時四衆皆見十方恒河沙世界諸佛
世尊是諸佛前亦有閻浮那提金色天華有
百千萬億葉自然而現出大光明遍照十方
尔時釋提桓因即自化身作居士形持種種
華與諸四衆作是言諸仁者今可以此華散
如來上亦用供養是經法故是時四衆即取
其華散如來上佛神力故所散之華於諸佛
上變成華蓋是時四衆白佛言世尊以何緣
故大地震動是大華蓋於諸佛前自然而現
乃至東方恒河沙諸佛世界南西北方四維
上下恒河沙諸佛世界亦復如是佛告四衆
若先有此相當知諸佛已守護是經尔時阿

難白佛言世尊如來今者已守護是經耶佛
告阿難如是如是我已守護阿難白佛言唯
佛世尊守護是經餘世界佛亦守護是經耶佛
告阿難十方恒河沙諸佛世界亦守護是經阿
難白佛言世尊當何名此經云何受持佛告
阿難此經名不著諸果亦名遠離諸果亦名
說堅信堅法八人須陀洹斯陀含阿那含阿
羅漢聲聞辟支佛密義亦名降伏遣魔亦名
與六波羅蜜相應所以者何若善男子善女
人信解此經受持讀誦乃至書寫經卷而供
養者便具足修行六波羅蜜阿難白佛言世
尊云何信解是經受持讀誦具足修行六波

羅蜜耶佛告阿難若善男子善女人信解是
經名檀波羅蜜不生疑惑名尸波羅蜜堪忍
此法名羸提波羅蜜心無怯弱名精進波羅
蜜心不搖動名禪波羅蜜不分別一切法名
般若波羅蜜是故阿難此經名六波羅蜜相
應亦名一切諸佛正說亦名廣大不退轉輪
亦名廣博嚴淨不退轉輪阿難如是等名汝
當受持阿難白佛言世尊聞此經名尚應聽
受何況具聞初中後說佛告阿難如是如是
如汝所言阿難白佛言世尊若有得聞此經
名者能却幾劫生死耶佛告阿難若有得聞
廣博嚴淨不退轉輪經名者聞已信解阿難

當知是諸衆生得却百千劫生死阿難白佛
言世尊若有衆生得聞是經能信解已發菩
提心者逮得何法佛告阿難如是衆生已逮
受記當得阿耨多羅三藐三菩提卽時四衆
各各自見其所坐前有大蓮華自然而現其
華開敷有百千葉亦有百千萬億光色是時
四衆心生歡喜踊躍無量卽取是華以散佛
上作如是言願使我等於未來世宣說是經猶
如世尊等無有異卽時世尊卽便微笑當卽
之時一切音樂不鼓自鳴一切衆香自然芬
敷百千萬億虛空諸天於虛空中作天音樂
復有百千萬億諸天於虛空中雨天細末旃

檀種種天香天阿迦樓香細末多摩羅香復
雨天閻浮那提金粟銀粟天摩尼寶復雨曼
陀羅華摩訶曼陀羅華波樓沙華摩訶波樓
沙華曼殊沙華摩訶曼殊沙華迦迦羅華摩
訶迦迦羅華樓遮摩那華摩訶樓遮摩那華
輸婆摩那華摩訶輸婆摩那華天優鉢羅華
拘物頭華分陀利華如是衆華而散佛上種
種天香種種天曼乃至諸天所有珍寶皆悉
雨之虛空諸天降身在地而作音樂以供養
佛世間諸人各各脫身所著上服而散佛上
復有諸人脫手足瓔珞咽鬘瓔珞所著天冠
華鬘而散佛上復有諸人以金銀天冠衆寶

天冠衆華天冠旃檀天冠散佛上者復有諸
人歡喜踊躍稱慶無量當尔之時牛馬歡喜
出和柔聲虚空衆鳥出和雅音地獄畜生離
苦獲安餓鬼充足離飢渴苦天龍夜叉軋闍
婆阿修羅迦樓羅緊那羅摩睺羅伽人非人
等皆悉歡喜踊躍無量是時衆生皆得慈心
慈心相向無有忿恨尔時阿難白佛言世尊
以何因緣世尊微笑諸佛如來不以無緣而
笑尔時世尊告阿難言今此四衆比丘比丘尼
優婆塞優婆夷天龍夜叉軋闍婆阿修羅迦
樓羅緊那羅摩睺羅伽人非人等今於我所
得聞此經及未來世得聞遇者皆於阿耨多

羅三藐三菩提而不退轉後成佛時宣說是
經無有增減如我今日等無有異佛說是經
時有無量無邊不可思議不可限量百千萬
億那由他天龍夜叉軋闍婆阿脩羅迦樓羅
緊那羅摩睺羅伽人非人等皆於阿耨多羅
三藐三菩提而不退轉佛說是經已文殊師
利法王子無量無邊諸菩薩摩訶薩尊者阿
難諸大聲聞及諸四眾比丘比丘尼優婆塞
優婆夷天龍夜叉軋闍婆阿脩羅迦樓羅緊
那羅摩睺羅伽人非人等及諸世間聞佛所
說皆大歡喜

廣博嚴淨不退轉輪經卷第四

賴

搗罵

上陟瓜反
打擊也

闕闕

二同昌
六反

乞句

音徒弔
蓋掉反

動懷妊

而禁

胞胎

上必反

蚤虫

郎禾反
正作螺

闡

昌演反
闡開也

珂貝

上口反
何反

咲笑

二同笑字
上非也

訾

音紫
口毀

挑挑

上二同

反嬰兒

上一反

羸

初眼初馬
羸提此

環

去忍辱
二反

頤

之反下余之反
和悅貞

芬馥

下音伏
香氣也

環

音川字
還釧去聲

頤

反居



